

216

Die Runtzel zuuertreiben.

Nym Meyen tarw vnd thu yhn yn ein glas / behalt yhn vber iar / des nym den yhe ein wenig / vnd zerflo-
pff eyerklar darunter / vnd bestreich dich damit ꝛc.

Wael vnter den augen zuuertreiben.

Nym Ochssen blut vnd bestreichs damit / odder
mit nüsöle / vnd wassch denn widder abe. Item / nym
Ponemmel vnter dein laugen / vnd wassch dich damit.

Zu dem Munde.

Welchem der mund vbel schmeckt nach Franckheit
odder sonst / der esse warm brod aus kaltem bronnen
nuchtern / so viel er mag / Odder geus alten wein an
schwerteln vnd wassch den mund damit offt.

Für ein schweren Athem.

Send Nesseln ym wein vnd trinck darvon / es ver-
treibt auch den alten husten. Schmeckt dein athem
so nym serpillum / das ist quentel / vnd Polipodium /
das ist steinwurtz / puluers vnd isse es offt / Odder isse
Pertram vnd Lauendel kraut.

Ein anders.

Isse offt wein vnd brod / vnd see puluer darauff / ge-
macht aus Saluey. Item trinck ochssen zungen was-
ser / Odder nym die obern rinden vom brod vnd Gal-
gant / machs miteinander ym wein vnd isse / es hilfft.

Zu dem Hare.

Wem das har ausfelt vnd kahl wird / der neme hön-
nigsam vnd reib die stat fast damit / vnd nym die byn
die man tod find ym hönig / brenne die zu puluer / reib
das an die stat / so wechset har.

Die Milwen ym har zu tödten

Nym Herosamen vnd brenn das zu puluer odder
asschen